



Xavier Pascual Santistevé, secretari accidentau deth Conselh Generau d'Aran,

CERTIFIQUI:

Que segontes Decret de Sindicatura num. 0493/2023, d'1 de seteme, s'a adoptat era següenta resolució, era còpia literau dera quau ditz:

"Maria Vergés Pérez, síndica deth Conselh Generau d'Aran, en tot hèr usatge des facultats que me conferís er article 29 dera Lei 1/2015, de 5 de hereuèr, deth Regim Especiau d'Aran,

Vista era prepausa dera òbra deth Conselhèr de Territori, Paisatge e Cambi Climatic, ena quau se da compde deth besonh de realizar eth contracte d'òbres de "*Melhores e manteniment deth camin rurai ciclable Transgarona*" pes motius que seguissen:

Ei de besonh mielhorar eth camin ciclable Transgarona enes següents trams entà garantir era sua foncionalitat:

- Pònt de Rei: cau pavimentar ua distància de 305 m
- Reguder: cau pavimentar ua distància de 712 m
- Tarters de Margarida: cau pavimentar ua distància de 259 m

Vist eth Decret de Sindicatura num. 0489/2023, de 30 d'agost en quau se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar ei previst ena aplicacion pressupostària num. 2023/01.454.609.10 deth pressupòst generau vigent entar exercici 2023.

Cossent damb çò que dispausen es articles 13, 25, 28, 116, 117, 118.1, 122, 159 e Disposicion adicionau tresau.2 dera Lei 9/2017, de 8 de noveme, de Contractes deth Sector Public,

È RESOLVUT:

PRUMÈR.- Avocar era competència entara aprobacion deth contracte dera òbra de "*Melhores e manteniment deth camin rurai ciclable Transgarona*" per rason d'urgència,





cossent damb çò que dispausa eth Decret de Sindicatura num. 0326/2023, de 22 de junh [publicat en DOGC num. 8980 de 16 d'agost de 2023 e BOP Lleida num. 159 de 16 d'agost de 2023]

DUSAU.- Aprovar iniciaument eth Plec de clausules administratives particulars qu'a de regir era contractacion des òbres de "*Mielhores e manteniment ena pavimentacion deth camin rurai ciclable Transgarona*", plec que s'adjunh coma annèxe en expedient e que demorarà a disposicion des personas fisiques e/o juridiques interessades, atau coma era despena corresponenta ad aguesta contractacion per un pressupòst totau de quate cents un mil dus cents dètz-e-sèt euros damb vint-e-tres centims (401.217,23 €) IVA includit, damb eth desglossament següent:

- Tres cents trenta un mil cinc cents ueitanta quate euros damb quaranta nau centims (331.584,49 €) en concèpte de valor estimat o pressupòst net e,
- Seishanta nau mil sies cents trenta dus euros damb setanta quate centims (69.632,74 €), en concèpte d'IVA ath 21%

TRESAU.- Aprovar er expedient entara contractacion des òbres de "*Mielhores e manteniment ena pavimentacion deth camin rurai ciclable Transgarona*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

QUATAU.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de vint (20) dies naturaus entara presentacion d'aufèrtes, cossent damb çò que dispausa er article 159.3 LCSP."

E, entà qu'atau cònte ar efècte oportun, signi aguest certificat d'orde e damb eth visteplatx dera Sindica.

Vielha, *signat electronicament*

Vist e platz
Era Sindica

Maria Vergés Pérez